

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«-----» ----- 2016թ.

N----- -Ա

ՈՐՈՇՈՒՄ

ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆ ԵՐԿԱՐԱՑՆԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 36-րդ գլխի կանոններով, Երևան քաղաքի ավագանու 2015 թվականի դեկտեմբերի 23-ի հ. 451-Ն որոշմամբ հաստատված ծրագրի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին՝ Երևան համայնքի սեփականություն հանդիսացող Մոսկովյան փողոցի հ.3 շենքի (անշարժ գույքի սեփականության /օգտագործման/ իրավունքի գրանցման 06.09.2005թ. հ.1626147 վկայական) Կինոյի զարգացման «Ոսկե ծիրան» հասարակական կազմակերպությանը տրամադրված 1-ին հարկի 214.9 քմ մակերեսով ոչ բնակելի տարածքի անհատույց օգտագործման պայմանագրի գործողության ժամկետն երկարացնել մինչև 2021 թվականի հունվարի 25-ը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆ ԵՐԿԱՐԱՑՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Երևանի քաղաքապետարան է դիմել Կինոյի զարգացման «Ոսկե ծիրան» հասարակական կազմակերպության տնօրեն Հարություն Խաչատրյանը՝ Երևանի Մոսկովյան փողոցի հ.3 շենքի առաջին հարկում, անհատույց օգտագործման իրավունքով տրամադրված տարածքի համար կնքված պայմանագրի գործողության ժամկետն երկարացնելու խնդրանքով:

Երևան քաղաքի ավագանու 2010 թվականի դեկտեմբերի 23-ի «Երևանի Մոսկովյան փողոցի թիվ 3 հասցեի շենքի առաջին հարկի 214.9 քմ մակերեսով տարածքն անհատույց օգտագործման տրամադրելու մասին» հ.170-Ա որոշման հիման վրա նշված հասցեում գտնվող շենքի առաջին հարկի 214.9 քմ մակերեսով տարածքն անհատույց օգտագործման իրավունքով, հինգ տարի ժամկետով տրամադրվել է Կինոյի զարգացման «Ոսկե ծիրան» հասարակական կազմակերպությանը: Կազմակերպության հետ 2011 թվականին կնքվել է ոչ բնակելի տարածքի անհատույց օգտագործման հ.1063 պայմանագիրը, որից ծագող իրավունքը ստացել է պետական գրանցում /հիմք՝ 09.03.2011թ. տրված անշարժ գույքի սեփականության /օգտագործման/ իրավունքի գրանցման հ.2689911 վկայական/: Նշված պայմանագրի ժամկետը սահմանվել է մինչև 2016 թվականի հունվարի 25-ը:

Հաշվի առնելով «Ոսկե ծիրան» միջազգային կինոփառատոնի բարձր հեղինակությունը, ինչպես նաև կազմակերպության գործունեության ուղղվածությունը և կարևորությունը կինոյի զարգացման գործում, նպատակ ունենալով աջակցելու Կինոյի զարգացման «Ոսկե ծիրան» հասարակական կազմակերպությանը աշխատանքային գործունեություն ծավալելու նպատակով բավարար պայմաններ ունենալու հարցում, ներկայացվում է Երևան քաղաքի ավագանու որոշման նախագիծ՝ Մոսկովյան փողոցի հ.3 շենքի 1-ին հարկում գտնվող տարածքի անհատույց օգտագործման պայմանագրի գործողության ժամկետն երկարացնելու վերաբերյալ:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

ՏԵՂԵԿԱՆՔ

**«ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆ ԵՐԿԱՐԱՑՆԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ
ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ
ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Պայմանագրի գործողության ժամկետն երկարացնելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ՏԵՂԵԿԱՆՔ

**«ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆ ԵՐԿԱՐԱՑՆԵԼՈՒ ՄԱՍԻՆ» ԵՐԵՎԱՆ
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ
ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Պայմանագրի գործողության ժամկետն երկարացնելու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ